



Broj: 05-1982-6/16
Sarajevo, 19. 05. 2016. godine

Na osnovu člana 70. Zakona o javnim nabavkama („Službeni glasnik BiH“ broj 39/14, u nastavku: Zakon), preporuke Komisije za provođenje postupka javne nabavke kancelarijskog materijala za potrebe Agencije za bankarstvo Federacije BiH iz Zapisnika o pregledu i ocjeni ponuda broj: 05-1982-5/16 od 17. 05. 2016. godine i člana 22. Statuta Agencije za bankarstvo Federacije BiH („Službene novine Federacije BiH” broj 42/04), direktor Agencije za bankarstvo Federacije BiH donosi

O D L U K U

o poništenju postupka javne nabavke kancelarijskog materijala provedenog putem konkurentskog zahtjeva za dostavu ponuda

I.

Poništava se postupak javne nabavke kancelarijskog materijala za potrebe Agencije za bankarstvo Federacije BiH (u nastavku: Agencija), s obzirom da nijedna od primljenih ponuda nije prihvatljiva.

II.

Ponude ponuđača R&S d.o.o. Sarajevo, PRIMAPROM d.o.o. Banja Luka i EXCLUSIVE d.o.o. Zenica se odbijaju kao neprihvatljive.

III.

U skladu s članom 70. stavom (6) Zakona, Agencija će objaviti ovu odluku na svojoj internetskoj stranici www.fba.ba, istovremeno s upućivanjem iste ponuđačima koji su učestvovali u ovom postupku.

O B R A Z L O Ž E N J E

Agencija je pokrenula postupak javne nabavke kancelarijskog materijala Odlukom o pokretanju postupka broj: 05-1982/16 od 06. 05. 2016. godine. Obavještenje o nabavci predmetnih roba objavljeno je na Portalu javnih nabavki 06. 05. 2016. godine pod brojem 3010-7-1-76-3-16/16.

Kao kriterij za dodjelu ugovora odabrana je najniža cijena tehnički zadovoljavajuće ponude.

U skladu s Obavještenjem o nabavci i tenderskom dokumentacijom, javno otvaranje ponuda obavljeno je u poslovnim prostorijama Agencije u Sarajevu, Zmaja od Bosne 47b, što je evidentirano u Zapisniku o otvaranju ponuda, broj: 05-1982-4/16 od 13. 05. 2016. godine, u kojem je ustanovljeno da su ponude po ovom predmetu nabavke podnijeli ponuđači R&S d.o.o. Sarajevo, PRIMAPROM d.o.o. Banja Luka i EXCLUSIVE d.o.o. Zenica.

Sukladno utvrđenoj proceduri, temeljem člana 65. Zakona, Komisija je izvršila pregled i ocjenu ponuda te na osnovu izvršene analize istih u pogledu ispunjavanja zadanih kvalifikacijskih uslova, ustanovila sljedeće nepravilnosti:

- a) Ponuđači R&S d.o.o. Sarajevo, PRIMAPROM d.o.o. Banja Luka i EXCLUSIVE d.o.o. Sarajevo vršili su ispravke u ponudi korektorom, na način da nisu vidljivi ispravljani podaci, što je u



suprotnosti s članom 18. tačke m) Uputstva za pripremu modela tenderske dokumentacije i ponuda („Službeni glasnik BiH“, broj 90/14). Ispravke u ponudi trebaju biti urađene na način da su vidljive, potvrđene potpisom ponuđača i sa datumom izvršene ispravke.

Slijedom navedenog, Komisija je jednoglasno predložila da se sve prispjele ponude odbiju, zbog formalno-pravnih nedostataka, u skladu s članom 68. stava (4) tačke i) Zakona, te dala preporuku da se predmetni postupak poništi.

Uvažavajući navedeno, a saglasno članu 69. stava (2) tačke d) Zakona, s obzirom da nijedna od primljenih ponuda nije prihvatljiva, direktor Agencije prihvatio je prijedlog Komisije iz Zapisnika o pregledu i ocjeni ponuda, broj i datum iz uvodnog dijela ove odluke, te donio odluku kao u dispozitivu.

Pouka o pravnom lijeku:

Protiv ove odluke može se izjaviti žalba u roku od 5 (pet) dana od dana prijema ove odluke. Žalba se izjavljuje Ugovornom organu – Agenciji za bankarstvo FBiH u pisanoj formi, direktno, elektronskim putem ili preporučenom poštanskom pošiljkom. Žalba se podnosi u dovoljnome broju primjeraka, a koji ne može biti manji tri.

DIREKTOR
Zlanko Barš

Dostaviti:

- svim učesnicima u postupku
- a.a.